



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. I. Falsa contra Christum testimonia.

[urn:nbn:de:hbz:466:1-49178](#)

I. Reg. 24. hoc eum stimularent amicos, respondit: Non extendam manum meam in Dominum meum; quia Christus Dominus est. Et ego tamen extendi manum meam in te Christum Dominum, qui sum opus manuum tuorum: manus enim tuae fecerunt me. Toties faciem tuam cæcidi, quoties in peccatum cecidi. Quid dicam, quando veniam & apparebo ante faciem tuam? quod ego jam convertam faciem meam? si suspicio, timeo fulgurantem gladium Justitiae; si despicio, horreo inferorum barathrum; si circumspicio, video hostium minantium in circuitu exercitum. Hæc omnia ut declinem, tibi supplico, ô Pater ut non aspicias indignitatem sceleris mei, sed respice in faciem Christi tui.

C A P U T III.

Christus in domo Caiphæ.

§. I.

Falsa contra Christum testimonia.

Ps. 39. 7. **S**Acro plenus horrore, & ingenti attonitus stupore, ingredior domum Caiphæ, hoc est seminarium injustitiae, auditurus ea, ad quæ ambæ arrestinnt; visurus quæ è geminis oculis deducent exitus aquarum, fontes lachrymarum. Tu interim, qui aures persecisti mihi, dum hæc audio, inclina aurem tuam mihi: sonet vox tua in auribus meis.

Ps. 16. 6. **Cant. 2.** Tu, qui diligis me, ut pupillam oculi tui, si inveni gratiam in oculis tuis, illumina oculos meos, ut videam visionem hanc magnam, quæ est mirabilis in oculis nostris. In hac domo proponetur nobis summus Judaicæ Synagogæ Pontifex, & supremus sacri Concilii Judex Caiphas, coram quo magni consilii Angelus, primò falsè accusatus, deinde inique

14.

Ps. 16. 8.

Ps. 12. 14.

Exod. 3. 3.

inique judicatus, tandem sacrilegè fuit condemnatus : quia tria his verbis complexi sunt bini Evangelistæ, Matthæus 26, Marcus 14. Tunc tenentes IESVM duxerunt ad Caipham Principem Sacerdotum; ubi Scriba, & Seniores, & Pharisei convenerant. Principes autem Sacerdotum quærebant falsum testimonium contra IESVM, ut eum morti traducerent.

Annas, incarnatus Satanas, Christum auctorem vitæ, tanquam reum mortis mittit ad Caipham, summum Pontificem, iniquissimum Judicem. Sequere quisquis es viator Christum, qui est via. Aspice lugentem illam pompam, & vide quam inhumaniter, imò immaniter filii diaboli ducant, vel potius trahant Filium DEI. Erant in domo Caiphæ congregati Scribæ, Pharisei, & Seniores; quot hominum capita, tot viperarum genimina; singuli ardentes irâ, inflati arrogantiâ, inflammati invidiâ in Christum, qui erat illorum salus, vita, & gloria. Erat autem concilium, vel potius conciliabulum coactum in nomine Satanæ ad effundendum sanguinem innocentem. Hos inter medius versabatur spiritus malignus, qui eos ad omne genus malignitatis, & barbaræ crudelitatis instigabat. Considera hic, cùm jam ad illos accederet Christus, quām conceptim illum exceperint, quām trucibus oculis, ac minaci vultu, ac elatis superciliis eum ut hominem despctissimum aspexerint: quām gaudebant superbissima capita, cum viderent tam vilem ac contemptum coram se consistere Dominum gloriæ. Sed quanta tunc fuerit Jerosolymæ perversitas, quām exaggrata iniqüitas, vel ex hoc Concilio primum fuerit conjicere. Nullum erat toto orbe, vel famâ celebrius, vel auctoritate gravius, vel maiestate augustius, vel religione sanctius

Con-

Concilium, quām illud, de quo hic loquimur Iudaicæ synagogæ. Hoc Concilium erat totius orbis quasi oraculum: singula hujus Concilii responsa, erant totidem effata; quot in eo Judices, tot Prudentiæ Antistites, tot æquitatis Præsides. Ipsi in illo Concilio videbatur sedem fixisse Justitiam. Et tamen in hoc Concilio ineunt Sacerdotes consilium, quomodo possint invenire falso testimonium. Spectate Jurisperiti insignem formam Juris. Judicis est falsos testes plectere, falsa testimonia refellere. Hic falsi testes queruntur, inventi cum plausu audiuntur: testimonia, licet falsa, omnium calculis approbantur. Studiosissimè ergò queruntur, sagacissimè odorantur, solerterissimè investigant falso testimonium. Contra quem? contra JESUM. Sciebant surdos, qui auditum; mutos, qui sermonem; amentes, qui rationem; cæcos, qui diem; mortuos, qui vitam à JESU receperant, daturos pro JESU testimonium verum. Infiniti hic fuissent testes, qui uno ore clamassent: *Bene omnia fecit.* Sed quia malevoli isti, malevolescant ei, qui bene omnia fecerat, quererant falsos testes, & per illos falsa testimonia. Verè dixit Veritas: *Sicut exaltantur cœ ià terra, sic exaltata sunt viæ meæ in viis vestris, & cogitationes meæ à cogitationibus vestris.* In terris ineunt consilium homines, & querunt falso testimonium, quo Filium DEI morti tradant. In cœlis ineunt consilium: tres divinæ Personæ, & querunt verum præsidium, ut hominem morti traditum, virtù donent. Actum erat de homine, reus erat mortis, filius gehennæ: licet omnis mundi potentia, & fortitudo simul collecta fuisset; licet oblatæ omnes bestiæ terræ in holocausta, & victimas Deo fuissent: licet omnes homines, quidquid habent in venis

*Matth. 7.
87.*

Isa. 55. 8.

Peccati
venialis
gravitas

in venis sanguinis effudissent: licet omnes Angeli incarnati fuissent, & singuli nullies mortui pro satisfactione unius, etiam minimi peccati venialis: licet singuli eorum plus & gratiae, & sanctimoniaz habuissent, quam omnes Sancti simul, qui fuerunt, sunt, & erunt. non potuissent (sepositis Christi meritis) DEUM nobis offensum propitiare pro unico levissimo delicto, nec promereri nobis vel guttulam aquae, quam a Lazaro flagitabat Epulo. Sola potens, & ineffabilis charitas JESU, ob reverentiam, quam eum divina Justitia prosequebatur, poterat nobis iam lapsis porrigerere manum, ut erigeremur, & eripere de profundo lacu, & reddere nobis libertatem, habe reditatem, honorem, gloriam, vitam, bona omnia quae amiseramus. Ille est qui vincula nostra solvit, & captivos e carcere manumisit. JESUS est qui nos leprosos mundavit, cæcos illuminavit, agros sanavit, mortuos resuscitavit: & tamen post tot ac tanta amoris veri testimonia, conspirat totus mundus contra JESUM, quærunt omnes falsum testimonium ut eum perdant; ineunt singuli consilium ut obscurant ejus Gloriam, confundant Majestatem, contemnant Justitiam, vilpendant Misericordiam, explodant Sapientiam, condemnant Innocentiam, odio habeant Bonitatem, ut tollant e rerum naturâ auctorem omnis gratiae & totius naturæ. Horum scelerum ego non tantum complex, sed auctor, cum Iudeis conveni, cum illis quæsivi falsum testimonium contra te. Dixi enim insipiens in corde meo: Psal. 132.
Non est DEVS. O verè falsum testimonium! ô immane sacrilegium! summo illi Numinis me hostem plus quam indicto bello constitui. Potentiam, sine qua nihil quisquam potest, contra ipsum invio-

inviolabile Numen, vertere, & suis ipsum viribus,
 ac quasi armis oppugnare aggressus sum. Deum
 denique ipsum rerum omnium principium, & fi-
 nem ultimum, incommutabilem illam, & inde-
 pendentem, ac necessariam substantiam, omnes-
 que ejus perfectiones destruere, perdere, pes-
 sum dare conatus sum. O Judex! hoc contra me
 est, non falsum, sed verum testimonium: sed illa
 tua est clementia, ut dum coram te, contra me
 aliquid dicam, sit pro me; & in favorem cause,
 vertitur confessio culpæ. Illa tua est Bonitas, ut
 me bonum reddas, dum me malum profiteor.
 Dixerim aliquando insipiens in corde meo: Non
 est DEUS. Falsum hoc fuit meum testimonium
 de te. At modò non tantum corde, sed ore dico,
 hoc verum de te testimonium. Licet hic adstes,
 quasi malefactor vincitus, quasi nocens judican-
 dus, quasi reus condemnandus, hoc tamen coram cœlo, & terra, Angelis & hominibus dete-
 profero cum Judith testimonium: Tu es DEVS, &
 non est aliud prater te.

Judith. 9.
19.

§. II.

*IESV coram Caipha, ad falsa testimonia
 silentium.*

SOters in suis consiliis nequitia, quæsiverat
 contra JESUM falsa testimonia; sed quodnam
 contra falsum testimonium Christus suscepit
 patrocinium? non aliud quam silentium.

Matt. 25. Et surgens Princeps Sacerdotum, ait illi: Nihil re-
 spondes ad ea, quæ isti adversum te testificantur? IESVS
 autem tacebat, & nihil respondit.

Rectè tu quidem facis, & Princeps Sacerdo-
 tum, quod surgas: sed rectius faceres, si non so-
 lùm è sede surgeres, sed sedem ipsam desereres:
 quia